

En Betlehem de kjliene Staut

(Oh Little Town of Bethlehem)

1. En Betlehem, de kjliene Staut, licht aules ruich, stell.
De Stierns em Himmel jäwen Licht, fa dise dunkle Welt.
Doa en de diestre Gaussen, schient nu een Licht soo kloa!
Dee Sinden Forcht es nu vebie, un Hopninj es nu doa!
2. Dee Wienachts Stiern dee wees daut kloa, daut Jesus kjeem to Welt.
Derch am kjeem Fräd en onse Tiet, fa Menschen hia opp Ieed.
Ons Heilant wort jebuaren, un Enjel hilden Wacht.
Dan aus de Menscheit noch vewield, en deepe Sinden Nacht.
3. Woo wundascheen! Woo wundascheen, es dit Jeschenkj von Gott!
Ut groote Jnod jeft hee ons frie, sien Säajen deep em Hoat.
Wie hieren nich sien komen, doch en de Welt voll Sind,
Wua am noch aunjenomen woat, kjemt hee met Leew enenn.
4. O Heiljet Kjint von Betlehem, komm doch, wie bäden, komm!
Wausch onse Sinden aula wajch, moak ons nu frie un fromm!
De Norecht von de Enjel, met Freid de Hoaten felt.
Komm hia no ons, O bliew bie ons, O Gott, Emanuel!

Wieed: Phillips Brooks, 1835-1893
Musikj: Ralph Vaughan Williams, 1906
Plautdietsch: Toopjestalt von veschiedne Äwasatungen
Em auljemeenen Jebruck